



Mga Panganod - Ang Abog sa mga Tiil sa Diyos

Si Jehova mahinay sa kasuko, ug daku sa gahum, Ug dili gayud niya pakamatarungan ang dautan:
Ang Ginoo adunay iyang dalan sa alimpulos ug sa bagyo,
ug ang mga panganod mao ang abog sa iyang mga tiil. Nahum 1:3

Pentateuko

Ibutang ko ang akong balangaw diha sa panganod, ug kini mahimo nga usa ka timaan sa usa ka tugon tali kanako ug sa yuta. Ug mahitabo, sa diha nga pagadad-on ko ang usa ka panganod sa ibabaw sa yuta, nga ang balangaw makita sa panganod: Ug ang balangaw anha sa panganod; ug pagatan-awon ko kini, aron mahinumduman ko ang walay katapusan nga tugon sa taliwala sa Dios ug sa tanan nga buhing binuhat sa tanang unod nga anaa sa ibabaw sa yuta. Genesis 9:13-14,16

Ug si Jehova milakaw nga nag-una kanila sa adlaw pinaagi sa usa ka haligi nga panganod, aron sa pagmando kanila sa dalan; ug sa gabii pinaagi sa usa ka haligi nga kalayo, aron sa paghatag kanila ug kahayag; aron sila makalakaw sa adlaw ug gabii. Wala niya kuhaa ang haligi nga panganod sa adlaw, ug ang haligi nga kalayo sa gabii, gikan sa atubangan sa katawhan. Exodo 13:21-22

Ug ang manolonda sa Dios nga nag-una sa campo sa Israel, mibalhin ug miadto sa ilang likod; ug ang haligi nga panganod mibalhin gikan sa ilang atubangan, ug mipahaluna sa ilang likod. Ug kini miadto sa taliwala sa campo sa mga Egiptohanon ug sa campo sa Israel; ug kini nahimong usa ka panganod ug kangitngit alang kanila, apan kini naghatag ug kahayag sa kagabhion kanila: mao nga ang usa wala moduol sa usa sa tibuok gabii. Ug nahitabo sa pagbantay sa kabuntagon nga ang GINOO mitan-aw sa panon sa mga Egiptohanon gikan sa haligi nga kalayo ug sa panganod, ug gigubot ang panon sa mga Egiptohanon, Exodo 14:19-20,24

Ug nahitabo, sa nagsulti si Aaron sa tibuok katilingban sa mga anak sa Israel, nga mitan-aw sila paingon sa kamingawan, ug, ania karon, ang himaya ni Jehova nagpakita didto sa panganod. Exodo 16:10

Ug si Jehova miingon kang Moises: Ania karon, ako moanha kanimo sa usa ka mabagang panganod, aron ang katawohan makadungog sa diha nga ako makigsulti kanimo, ug motoo usab kanimo sa walay katapusan. Ug si Moises nagsugilon sa mga pulong sa katawohan ngadto kang Jehova. Ug nahitabo sa ikatulong adlaw sa pagkabuntag, nga may mga dalugdog ug mga kilat, ug ang mabaga nga panganod sa ibabaw sa bukid, ug ang tingog sa trumpeta hilabihan kakusog; mao nga ang tanan nga katawohan nga diha sa campo nangurog. Exodo 19: 9,16

Ug si Moises mitungas ngadto sa bukid, ug ang panganod mitabon sa bukid. Ug ang himaya ni Jehova mikunsad sa ibabaw sa bukid sa Sinai, ug ang panganod mitabon niini sulod sa unom ka adlaw: ug sa ikapito ka adlaw gitawag niya si Moises gikan sa taliwala sa panganod. Ug si Moises

Si Jehova mahinay sa kasuko, ug daku sa gahum, Ug dili gayud niya pakamatarungon ang daotan:
Ang Ginoo adunay iyang dalan sa alimpulos ug sa bagyo,
ug ang mga panganod mao ang abog sa iyang mga tiil. Nahum 1:3

misulod sa taliwala sa panganod, ug mitungas siya ngadto sa bukid: ug si Moises didto sa bukid kap-
atan ka adlaw ug kap-atan ka gabii. Exodo 24:15-16,18

Ug nahitabo nga sa pagsulod ni Moises sa tabernaculo, ang haligi nga panganod mipaubos, ug
mihunong sa pultahan sa tabernaculo: ug si Jehova nakigsulti kang Moises. Ug ang tanang katawhan
nakakita sa haligi nga panganod nga nagbarog sa pultahan sa tabernaculo: ug ang tanang katawhan
nanindog ug misimba, ang tagsatagsa ka tawo didto sa pultahan sa iyang tolda. Exodo 33:9-10

Ug ang Ginoo mikunsad sa panganod, ug mitindog didto uban kaniya, ug nagmantala sa ngalan sa
Ginoo. Exodo 34:5

Unya mitabon ang usa ka panganod sa tolda sa katilingban, ug ang himaya ni Jehova mipuno sa
tabernakulo. Ug si Moises wala makahimo sa pagsulod sa balong-balong nga pagatiguman, kay ang
panganod nagpabilin sa ibabaw niini, ug ang himaya ni Jehova nakapuno sa tabernaculo. Ug sa
gibayaw na ang panganod gikan sa ibabaw sa tabernakulo, ang mga anak sa Israel mipadayon sa
tanang nilang panaw. Apan kon ang panganod dili mopataas, dili sila mopadayon sa ilang panaw
hangtod sa adlaw nga kini mopataas. Kay ang panganod sa Ginoo anaa sa ibabaw sa tabernakulo sa
adlaw, ug ang kalayo anaa niini sa gabii, nga makita sa tibuok balay sa Israel, sa tanang nilang panaw.
Exodo 40: 34-38

Ug si Jehova miingon kang Moises: Sultihi si Aaron nga imong igsoon nga lalake, nga dili siya
mosulod sa dapit nga balaan sa sulod sa tabil, sa atubangan sa lingkoranan sa pagpasig-uli, nga anaa
sa ibabaw sa arca; aron dili siya mamatay: kay ako mopakita diha sa panganod sa ibabaw sa
lingkoranan sa pagpasig-uli. Ug ibutang niya ang incienso sa ibabaw sa kalayo sa atubangan ni
Jehova, aron ang panganod sa incienso motabon sa tabon sa pagpasig-uli nga anaa sa ibabaw sa
pagpamatuod, aron dili siya mamatay: Levitico 16: 2,13

Ug sa adlaw nga gipatindog ang tabernakulo, ang panganod mitabon sa tabernakulo, bisan sa balong-
balong sa pagpamatuod: ug sa hapon diha sa ibabaw sa tabernakulo nga daw kalayo, hangtud sa
pagkabuntag. Mao kini sa kanunay: ang panganod mitabon niini sa adlaw, ug ang dagway sa kalayo
sa gabii. Ug sa diha nga ang panganod mopataas gikan sa tabernaculo, unya sa human niana ang mga
anak sa Israel managpanlakaw: ug sa dapit diin ang panganod mohunong, didto ang mga anak sa
Israel magapahaluna sa ilang mga balong-balong. Sa sugo ni Jehova ang mga anak sa Israel
managpanlakaw, ug sa sugo ni Jehova sila magkampo: samtang ang panganod magpabilin sa ibabaw
sa tabernaculo, sila managpahulay sa ilang mga balong-balong. Ug sa diha nga ang panganod
mohunong sa ibabaw sa tabernaculo sa daghang mga adlaw, nan ang mga anak sa Israel magabantay
sa sugo ni Jehova, ug dili manlakaw. Ug mao kini, nga sa diha nga ang panganod magpabilin sa
ibabaw sa tabernaculo sulod sa pipila ka adlaw; sumala sa sugo ni Jehova, sila magpabilin sa ilang
mga balong-balong, ug sumala sa sugo ni Jehova sila manlakaw. Ug mao kini, nga sa diha nga ang
panganod magpabilin gikan sa hapon hangtud sa buntag; ug nga ang panganod mopataas sa buntag,
sila manlakaw: bisan kini sa adlaw o sa gabii nga ang panganod mopataas, sila manlakaw. O bisan
kini duha ka adlaw, kun usa ka bulan, kun usa ka tuig, nga ang panganod magpabilin sa ibabaw sa
tabernaculo, nga magpabilin niini, ang mga anak sa Israel magpabilin sa ilang mga balong-balong,
ug dili manlakaw: apan sa diha nga kini mopataas, sila manlakaw. Numeros 9:15-22

Ug nahitabo sa ikakaluhaan ka adlaw sa ikaduhang bulan, sa ikaduhang tuig, nga ang panganod
gipataas gikan sa tabernaculo sa pagpamatuod. Ug ang mga anak sa Israel nanagpanlakaw gikan sa
kamingawan sa Sinai; ug ang panganod mihunong sa kamingawan sa Paran. Ug ang panganod ni
Jehova diha sa ibabaw nila sa maadlaw, sa diha nga migula sila sa campo. Numeros 10:11-12,34

Si Jehova mahinay sa kasuko, ug daku sa gahum, Ug dili gayud niya pakamatarungon ang dautan:
Ang Ginoo adunay iyang dalan sa alimpulos ug sa bagyo,
ug ang mga panganod mao ang abog sa iyang mga tiil. Nahum 1:3

Ug si Jehova mikunsad sa usa ka panganod, ug misulti kaniya, ug mikuha sa Espiritu nga diha kaniya, ug gihatag kini sa kapitoan ka mga anciano: ug nahitabo, nga sa mipabilin ang Espiritu diha kanila, nanagpanagna sila, ug wala na mohunong. Numeros 11:25

Ug si Jehova mikunsad sa haligi nga panganod, ug mitindog sa pultahan sa tabernaculo, ug nagtawag kang Aaron ug kang Miriam: ug silang duha migula. Ug ang panganod mipahawa gikan sa tabernaculo; ug, ania karon, si Miriam nahimong sanlahon, maputi sama sa nieve; ug si Aaron mitan-aw kang Miriam, ug, ania karon, siya gisanlahon. Numeros 12:5,10

Ug ilang isugilon kini sa mga pumoluyo niining yutaa: kay sila nakadungog nga ikaw, Jehova, anaa sa taliwala niining katawohan, nga ikaw, Jehova, makita sa nawong ug nawong, ug nga ang imong panganod nagabarog sa ibabaw nila, ug nga ikaw nagauna kanila, sa adlaw sa usa ka haligi nga panganod, ug sa gabii sa usa ka haligi nga kalayo. Numeros 14:14

Ug nahitabo nga sa pagkatigum sa katilingban batok kang Moises ug kang Aaron, nga mitan-aw sila patunong sa balong-balong nga pagatiguman: ug, ania karon, ang panganod mitabon niini, ug ang himaya ni Jehova mipakita. Numeros 16:42

Nga nag-una kaninyo sa dalan, aron sa pagpangita ug dapit diin kamo magpatindog sa inyong mga balong-balong, pinaagi sa kalayo sa kagabhion, aron sa pagpakita kaninyo sa dalan nga inyong pagalaktan, ug pinaagi sa panganod sa adlaw. Deuteronomio 1:33

Ug miduol kamo ug mitindog kamo sa lusaran sa bukid; ug ang bukid misilaob sa kalayo hangtud sa tunga sa langit, nga may kangitngit, mga panganod, ug mabagang kangitngit. Deuteronomio 4:11

Kini nga mga pulonga gisulti ni Jehova sa tibook ninyong katilingban didto sa bukid gikan sa taliwala sa kalayo, sa panganod, ug sa mabaga nga kangitngit, uban sa dakung tingog: ug wala na siyay gidugang pa. Ug gisulat niya kini sa duha ka papan nga bato, ug gihatag niya kini kanako. Deuteronomio 5:22

Ug mitungha si Jehova didto sa tabernaculo, pinaagi sa haligi nga panganod: ug ang haligi nga panganod nagpahaluna sa ibabaw sa pultahan sa tabernaculo. Deuteronomio 31:15

Kasaysayan

Jehova, sa imong paggawas sa Seir, sa imong paglakaw gikan sa kapatagan sa Edom, ang yuta mikurog, ug ang mga langit mitulo, Ang mga panganod usab mitulo ug tubig. Mga Maghuhukom 5:4

Ug iyang gihimo ang kangitngit nga mga payag sa iyang palibot, itom nga mga tubig, ug mabaga nga mga panganod sa kalangitan. 2 Samuel 22:12

Ug siya mahisama sa kahayag sa kabuntagon, sa diha nga mosubang ang adlaw, bisan usa ka buntag nga walay mga panganod; sama sa linghod nga balili nga mogitib gikan sa yuta pinaagi sa tin-aw nga pagsidlak human sa ulan. 2 Samuel 23:4

Ug nahitabo, sa diha nga nanggula ang mga sacerdote gikan sa balaang dapit, nga ang panganod mipuno sa balay ni Jehova, Mao nga ang mga sacerdote wala makatindog sa pag-alagad tungod sa panganod: kay ang himaya ni Jehova mipuno sa balay ni Jehova. 1 Hari 8:10-11

Si Jehova mahinay sa kasuko, ug daku sa gahum, Ug dili gayud niya pakamatarungon ang dautan:
Ang Ginoo adunay iyang dalan sa alimpulos ug sa bagyo,
ug ang mga panganod mao ang abog sa iyang mga tiil. Nahum 1:3

Ug nahitabo sa ikapito nga higayon, nga siya miingon, "Tan-awa, adunay mituybo nga usa ka gamay nga panganod gikan sa dagat, sama sa kamot sa usa ka tawo." Ug siya miingon, "Tungas, ingna si Achab, Andama ang imong karwahe, ug lugsong ka, aron dili ka maabongan sa ulan." Ug nahitabo sa wala madugay, nga ang langit miitom tungod sa mga panganod ug hangin, ug dihay kusog nga ulan. Ug si Achab misakay, ug miadto sa Jezreel. 1 Hari 18:44-45

Nahitabo gani nga ang mga magtutugtog sa trumpeta ug mga mag-aawit nagkahiusa, aron paghimo og usa ka lanog nga madungog sa pagdayeg ug pagpasalamat kang Jehova; ug sa diha nga ilang gipataas ang ilang tingog uban sa mga trumpeta ug mga piyangpiyang ug mga tulonggon sa musika, ug gidayeg si Jehova, nga nagaingon: Kay siya maayo; kay ang iyang mahigugmaong-kalolot nagapadayon sa walay katapusan: nga unya ang balay napuno sa usa ka panganod, bisan ang balay ni Jehova; Mao nga ang mga sacerdote wala na makatindog sa pag-alagad tungod sa panganod: kay ang himaya ni Jehova nakapuno sa balay sa Dios. 2 Cronicas 5:13-14

Labut pa, gigiyahan mo sila pinaagi sa usa ka haligi nga panganod sa adlaw; ug pinaagi sa usa ka haligi nga kalayo sa gabii, aron sa paghatag kanila ug kahayag sa dalan nga ilang pagalakatan. Apan sa imong daghang mga kalooy wala mopahawa kanila didto sa kamingawan: ang haligi nga panganod wala mobiya kanila sa adlaw, aron sa pagmando kanila sa dalan; ni ang haligi nga kalayo sa gabii, aron sa pagpakita kanila sa kahayag, ug sa dalan nga ilang pagalakatan. Nehemias 9:12,19

Balak

Pasagdi nga ang kangitngit ug ang landong sa kamatayon motabon niini; Papuy-a kini sa panganod; Pasagdi nga ang kangitngit sa adlaw mohadlok niini. Job 3:5

Sama sa panganod nga mahurot ug mahanaw, mao man usab ang manaog ngadto sa Sheol dili na mobalik sa ibabaw. Job 7:9

Bisan pa kon ang iyang pagkahalangdon mosangko sa langit, Ug ang iyang ulo mosangko sa mga panganod, Apan siya mahanaw sa walay katapusan sama sa iyang kaugalingong tai: Kadtong mga nakakita kaniya moingon, Hain man siya? Job 20: 6-7

Ug ikaw nagaingon, Unsaon man pagkahibalo sa Dios? Makahukom ba siya taliwala sa mangitngit nga panganod? Ang mabagang mga panganod mao ang tabon kaniya, mao nga dili siya makakita; Ug siya nagalakaw sa palibot sa langit. Job 22:13-14

Giputos niya ang katubigan sa iyang mabagang mga panganod; ug ang panganod wala magisi sa ilalom nila. Gitagoan niya ang nawong sa iyang trono, ug gibuklad ang iyang panganod sa ibabaw niini. Job 26:8-9

Mga kalisang gipadangat kanako: Gigukod nila ang akong kalag sama sa hangin; Ug ang akong kaayohan milabay sama sa usa ka panganod. Job 30:15

Tan-awa ang kalangitan, ug tan-awa; ug tan-awa ang mga panganod nga mas taas pa kay kanimo. Job 35:5

Nga ginahulog sa mga panganod ug ginapaagay sa ibabaw sa tawo sa kadagaya. Aduna bay makasabut sa pagbuklad sa mga panganod, o sa kasaba sa iyang tabernakulo? Gitabonan niya ang

Si Jehova mahinay sa kasuko, ug daku sa gahum, Ug dili gayud niya pakamatarungon ang dautan:
Ang Ginoo adunay iyang dalan sa alimpulos ug sa bagyo,
ug ang mga panganod mao ang abog sa iyang mga tiil. Nahum 1:3

kahayag sa mga panganod; ug gisugo niya kini nga dili mosidlak pinaagi sa panganod nga moagi sa taliwala. Job 36:28-29,32

Pinaagi usab sa pagbisibis iyang gipahuyang ang mabaga nga panganod: iyang gipasabwag ang iyang masanag nga panganod: Nahibalo ka ba kon kanus-a sila gibutang sa Dios, ug gipasidlak ang kahayag sa iyang panganod? Nahibalo ka ba sa mga pagbalanse sa mga panganod, ang mga katingalahang buhat niya nga hingpit sa kahibalo? Ug karon ang mga tawo dili makakita sa masanag nga kahayag nga anaa sa mga panganod: apan ang hangin moagi, ug maghinlo kanila. Job 37:11,15-26,21

Sa dihang gihimo ko ang panganod nga iyang bisti, ug ang mabaga nga kangitngit nga iyang putos, Makapataas ka ba sa imong tingog ngadto sa mga panganod, aron ang kadagaya sa tubig makatabon kanimo? Kinsay makaihap sa mga panganod sa kaalam? O kinsay makatago sa mga botelya sa langit, Job 38:9,34,37

Gihimo niya ang kangitngit nga iyang tagoanan; ang iyang tabernakulo nga naglibot kaniya mao ang kangitngit nga katubigan ug mabagang mga panganod sa kalangitan. Sa kahayag nga diha sa iyang atubangan, ang iyang mabagang mga panganod milabay, ulan nga yelo ug mga бага sa kalayo. Mga Salmo 18:11-12

Ang imong mahigugmaong-kalolot, Oh Jehova, anaa sa mga langit; Ug ang imong pagkamatinumanon nagaabut ngadto sa mga panganod. Mga Salmo 36:5

Kay ang imong mahigugmaong-kalolot daku ngadto sa mga langit, ug ang imong kamatuoran ngadto sa mga panganod. Mga Salmo 57:10

Ipahinungod ninyo ang kusog ngadto sa Dios: Ang iyang pagkahalangdon anaa sa ibabaw sa Israel, Ug ang iyang kusog anaa sa mga panganod. Mga Salmo 68:34

Ang mga panganod nanagbubo ug tubig; ang kalangitan nanagpadalugdog: ang imong mga udyong usab nanagpanglupad. Mga Salmo 77:17

Sa adlaw usab iyang gigiyahan sila pinaagi sa usa ka panganod, ug sa tibuok gabii pinaagi sa usa ka kahayag sa kalayo. Bisan pa nga iyang gisugo ang mga panganod gikan sa itaas, ug giablihan ang mga pultahan sa langit, Salmo 78:14,23

Ang mga panganod ug kangitngit maoy naglibot kaniya: Ang pagkamatarung ug ang paghukom mao ang patukoranan sa iyang trono. Mga Salmo 97:2

Nakigsulti siya kanila diha sa haligi nga panganod: Gituman nila ang iyang mga pagpamatuod, ug ang kabalaoran nga iyang gihatag kanila. Mga Salmo 99:7

Nga nagabutang sa mga sagbayan sa iyang mga lawak diha sa katubigan; nga nagahimo sa mga panganod nga iyang karwahe; nga nagalakaw sa ibabaw sa mga pako sa hangin: Mga Salmo 104:3

Gibuklad niya ang usa ka panganod isip tabon; Ug kalayo aron sa paghatag ug kahayag sa kagabhion. Mga Salmo 105:39

Si Jehova mahinay sa kasuko, ug daku sa gahum, Ug dili gayud niya pakamatarungon ang daotan:
Ang Ginoo adunay iyang dalan sa alimpulos ug sa bagyo,
ug ang mga panganod mao ang abog sa iyang mga tiil. Nahum 1:3

Kay ang imong mahigugmaong-kalolot daku labaw sa kalangitan; Ug ang imong kamatuoran nagaabot ngadto sa mga panganod. Mga Salmo 108:4

Siya nga nagatabon sa langit sa mga panganod, Siya nga nagaandam sa ulan alang sa yuta, Siya nga nagapaturuk sa balili ibabaw sa kabukiran. Mga Salmo 147:8

Pinaagi sa iyang kahibalo ang mga kahiladman nabungkag, ug ang mga panganod nagpatulo sa yamog. Proverbio 3:20

Sa dihang iyang gitukod ang mga panganod sa ibabaw: sa dihang iyang gipalig-on ang mga tinubdan sa kahiladman: Proverbio 8:28

Diha sa kahayag sa nawong sa hari anaa ang kinabuhi; Ug ang iyang kalooy maingon sa panganod sa ulahing ulan. Mga Proverbio 16:15

Bisan kinsa nga nagapasigarbo sa iyang kaugalingon sa usa ka bakak nga gasa sama sa mga panganod ug hangin nga walay ulan. Mga Proverbio 25:14

Kon ang mga panganod mapuno sa ulan, kini mobubo sa ilang kaugalingon sa ibabaw sa yuta; ug kon ang kahoy mapukan paingon sa habagatan, o paingon sa amihanan, sa dapit diin ang kahoy mapukan, didto atua siya. Kadtong nagapaniid sa hangin dili makapugas; ug kadtong nagapaniid sa mga panganod dili makaani.” Ecclesiastes 11: 3-4

Samtang ang adlaw, o ang kahayag, o ang bulan, o ang mga bitoon dili mongitngit, ni mobalik ang mga panganod human sa ulan: Ecclesiastes 12:2

Mga Propeta

Ug si Jehova magabuhay sa ibabaw sa tagsatagsa ka puloy-anan sa bukid sa Sion, ug sa ibabaw sa iyang mga tigumanan, ug usa ka panganod ug aso sa maadlaw, ug ang kahayag sa nagasiga nga kalayo sa magabii; kay sa ibabaw sa tanang himaya anaa ang usa ka panalipod. Isaias 4:5

Ug kini pasagdan ko nga biniyaan: kini dili na pul-ongan ni kalotan; apan motubo ang mga sampinit ug mga tunok: ug sugoon ko usab ang mga panganod nga dili na sila magpaulan ug ulan niini. Isaias 5:6

Mosaka ako ibabaw sa kahitas-an sa mga panganod; mahisama ako sa Labing Halangdon. Isaias 14:14

Kay mao kini ang giingon kanako ni Jehova: Mopahulay ako, ug magatan-aw ako gikan sa akong dapit nga puloy-anan sama sa kahayag sa adlaw sa ibabaw sa mga utanon, ug sama sa panganod sa yamog sa kainit sa ting-ani. Isaias 18:4

Ang palas-anon sa Ehipto. Ania karon, si Jehova nagasakay sa ibabaw sa usa ka matulin nga panganod, ug moanha sa Ehipto: ug ang mga dios-dios sa Ehipto mokurog sa iyang atubangan; ug ang kasingkasing sa Egipto matunaw sa taliwala niini. Isaias 19:1

Si Jehova mahinay sa kasuko, ug daku sa gahum, Ug dili gayud niya pakamatarungon ang dautan:
Ang Ginoo adunay iyang dalan sa alimpulos ug sa bagyo,
ug ang mga panganod mao ang abog sa iyang mga tiil. Nahum 1:3

Imong pahilumon ang kasaba sa mga estranghero, sama sa kainit sa usa ka mamala nga dapit; bisan ang kainit uban sa landong sa usa ka panganod: ang sanga sa mga makalilisang pagapaubson. Isaias 25:5

Gipapas ko, sama sa mabaga nga panganod, ang imong mga kalapasan, ug, sama sa usa ka panganod, ang imong mga sala: balik kanako; kay gitubos ko na ikaw. Isaias 44:22

Kinsa ba kini sila nga nagalupad sama sa panganod, ug sama sa mga salampati ngadto sa ilang mga tamboanan? Isaias 60:8

Tan-awa, mosaka siya sama sa mga panganod, ug ang iyang mga karwahe sama sa alimpulos; ang iyang mga kabayo mas tulin pa kay sa mga agila. Alaot kita! Kay kita nangalaglag na. Jeremias 4:13

Naunsa man nga gitabonan sa Ginoo ang anak nga babaye sa Sion sa usa ka panganod sa iyang kasuko, ug gihulog gikan sa langit ngadto sa yuta ang katahum sa Israel, ug wala mahinumdumi ang iyang tumbanan sa tiil sa adlaw sa iyang kasuko! Mga Pagbangotan 2:1

Gitabonan mo ang imong kaugalingon sa usa ka panganod, aron ang among pag-ampo dili makatabok. Mga Pagbangotan 3:44

Ug mitan-aw ako, ug, ania karon, usa ka alimpulos migula gikan sa amihanan, usa ka dakong panganod, ug usa ka kalayo nga naglibot sa iyang kaugalingon, ug ang usa ka kahayag naglibot niini, ug gikan sa taliwala niini daw sama sa kolor sa amber, gikan sa taliwala sa kalayo. Sama sa panagway sa balangaw nga anaa sa panganod sa adlaw sa ulan, mao usab ang panagway sa kasanag nga naglibot. Kini mao ang panagway sa may-ong sa himaya ni Jehova. Ug sa pagkakita ko niini, mihapa ako, ug nadungog ko ang usa ka tingog sa usa nga nagsulti. Ezequiel 1: 4,28

Ug didto nagtindog sa ilang atubangan ang kapitoan ka mga anciano sa balay sa Israel; ug sa taliwala nila nagtindog si Jaazaniah, ang anak nga lalaki ni Safan, nga ang matag usa adunay iyang sudlanan sa insenso sa iyang kamot; ug ang mabaga nga panganod sa insenso miulbo sa itaas. Ezequiel 8:11

Karon ang mga kerubin nagtindog sa tuo nga kilid sa balay, sa diha nga ang tawo misulod; ug ang panganod mipuno sa sulod nga sawang. Unya ang himaya ni Jehova mikayab gikan sa kerubin, ug mipahaluna sa ibabaw sa pultahan sa balay; ug ang balay napuno sa panganod, ug ang sawang napuno sa kahayag sa himaya ni Jehova. Ezequiel 10: 3-4

Kay ang adlaw haduol na, bisan ang adlaw ni Jehova haduol na, usa ka adlaw nga madag-umon; kini mao ang panahon sa mga pagano. Didto sa Tehapnehes usab ang adlaw mongitngit, sa diha nga bunggoon ko didto ang mga yugo sa Egipto; ug ang pagpagarbo sa iyang kusog mohunong diha kaniya: mahitungod kaniya, usa ka panganod motabon kaniya, ug ang iyang mga anak nga babaye mangabihag. Ezequiel 30: 3,18

Ug sa diha nga palongon ko na ikaw, tabonan ko ang langit, ug pangitngiton ko ang mga bitoon niini; tabonan ko ang adlaw sa usa ka panganod, ug ang bulan dili mohatag sa iyang kahayag. Ezequiel 32:7

Sama sa usa ka magbalantay nga mangita sa iyang panon sa adlaw nga anaa siya sa taliwala sa iyang mga karnero nga nagkatibulaag, mao usab pangitaon ko ang akong mga karnero, ug luwason ko sila

Si Jehova mahinay sa kasuko, ug daku sa gahum, Ug dili gayud niya pakamatarungon ang dautan:
Ang Ginoo adunay iyang dalan sa alimpulos ug sa bagyo,
ug ang mga panganod mao ang abog sa iyang mga tiil. Nahum 1:3

gikan sa tanang mga dapit diin sila nagkatibulaag sa madag-umon ug mangiob nga adlaw. Ezequiel 34:12

Mosaka ka ug moabot sama sa bagyo, ikaw mahisama sa panganod nga motabon sa yuta, ikaw, ug ang tanan mong mga sundalo, ug ang daghang mga katawhan uban kanimo. Ug ikaw mosulong batok sa akong katawhan nga Israel, sama sa usa ka panganod nga motabon sa yuta; kini mahitabo sa ulahing mga adlaw, ug dad-on ko ikaw batok sa akong yuta, aron ang mga nasud makaila kanako, sa diha nga ako pagabalaanon diha kanimo, Oh Gog, sa atubangan sa ilang mga mata. Ezequiel 38: 9,16

Nakita ko sa mga panan-awon sa kagabhion, ug, tan-awa, usa nga sama sa Anak sa tawo miabot uban sa mga panganod sa langit, ug miadto sa Karaan sa mga adlaw, ug ilang gidala siya duol sa iyang atubangan. Daniel 7:13

O Efraim, unsa may akong buhaton kanimo? O Juda, unsa may akong buhaton kanimo? Kay ang imong kaayo sama sa panganod sa kabuntagon, ug sama sa yamog nga sayong molabay. Oseas 6:4

Busa sila mahisama sa panganod sa kabuntagon, ug sama sa yamog sa kabuntagon nga mahanaw sa sayong panahon, sama sa tahop nga gipalid sa alimpulos gikan sa salog-nga-giukan, ug sama sa aso gikan sa panghaw. Oseas 13:3

Adlaw sa kangitngit ug sa kadulom, adlaw sa mga panganod ug sa mabaga nga kangitngit, sama sa kabuntagon nga mokaylap ibabaw sa kabukiran; usa ka dakong katawhan ug kusgan; wala pa gyuy sama niini sukad pa kaniadto, ni aduna pay lain nga mosunod niini, bisan ngadto sa mga tuig sa daghang mga kaliwatan. Joel 2:2

Si Jehova mahinay sa kasuko, ug daku sa gahum, ug dili gayud magpasaylo sa dautan: ang dalan ni Jehova anaa sa alimpulos ug anaa sa bagyo, ug ang mga panganod mao ang abog sa iyang mga tiil. Nahum 1:3

Kanang adlaw mao ang adlaw sa kapungot, usa ka adlaw sa kasamok ug kasakit, usa ka adlaw sa kalaglagan ug pagkaguba, usa ka adlaw sa kangitngit ug kangiob, usa ka adlaw sa mga panganod ug mabagang kangitngit, Sofonias 1:15

Pangayo kamo kang Jehova ug ulan sa panahon sa ulahing ulan; aron si Jehova magahimo ug mga panganod nga mahayag, ug magahatag kanila ug mga ulan, alang sa tagsatagsa ka balili sa kapatagan. Zacarias 10:1

Mga Ebanghelyo

Samtang nagsulti pa siya, tan-awa, usa ka masilaw nga panganod mitabon kanila: ug tan-awa, usa ka tingog gikan sa panganod nga nag-ingon, "Kini mao ang akong Anak nga hinigugma, nga kaniya ako nahimuot; paminawa ninyo siya." Mateo 17:5

Ug unya magapakita ang ilhanan sa Anak sa tawo sa langit: ug unya ang tanang mga banay sa yuta managminatay, ug ilang makita ang Anak sa tawo nga moanhi sa mga panganod sa langit uban ang gahum ug dakong himaya. Mateo 24:30

Si Jehova mahinay sa kasuko, ug daku sa gahum, Ug dili gayud niya pakamatarungon ang dautan:
Ang Ginoo adunay iyang dalan sa alimpulos ug sa bagyo,
ug ang mga panganod mao ang abog sa iyang mga tiil. Nahum 1:3

Si Jesus miingon kaniya, " **Mao kana ang giingon mo.**" Apan sultihan ko kamo, "Sukad karon makita ninyo ang Anak sa Tawo nga magalingkod sa tuo sa Makagagahum, ug moanhi uban sa mga panganod sa langit." Mateo 26:64

Ug mitungha ang usa ka panganod nga mitabon kanila: ug gikan sa panganod migula ang usa ka tingog nga nag-ingon, "Mao kini ang akong Anak nga pinalangga; paminawa ninyo siya." Marcos 9:7

Ug unya ilang makita ang Anak sa tawo nga moanhi diha sa mga panganod nga adunay dakong gahum ug himaya. Marcos 13:26

Ug si Jesus miingon, **Ako mao: ug makita ninyo ang Anak sa tawo nga magalingkod sa tuo sa Gahum, ug moanhi nga sinapwang sa mga panganod sa langit.** Marcos 14:62

Samtang nagsulti pa siya niini, mitungha ang usa ka panganod, ug mitabon kanila: ug sila nangahadlok sa pagsulod nila sa panganod. Ug gikan sa panganod migula ang usa ka tingog nga nag-ingon, "Kini mao ang akong Anak nga hinigugma: paminawa ninyo siya." Lucas 9: 34-35

Ug siya miingon usab sa mga tawo, " **Inigkakita ninyog panganod nga mosaka gikan sa kasadpan, dihadiha moingon kamo, 'Adunay ulan nga moabot,' ug mao kini ang mahitabo.**" Lucas 12:54

Ug unya ilang makita ang Anak sa tawo nga moanhi nga sinapwang sa panganod nga adunay gahum ug dakong himaya. Lucas 21:27

Ug sa nakapamulong na siya niining mga butanga, samtang nagtan-aw sila, gibayaw siya sa itaas; ug usa ka panganod midawat kaniya gikan sa ilang mga mata. Mga Buhat 1:9

Mga Sulat

Dugang pa, mga igsoon, dili ko buot nga kamo dili mahibalo, nga ang tanan natong mga amahan didto sa ilalum sa panganod, ug silang tanan milabang sa dagat; Ug silang tanan gibautismohan ngadto kang Moises diha sa panganod ug sa dagat; 1 Corinto 10: 1-2

Unya kita nga mga buhi nga mahabilin, pagasakgawon uban kanila ngadto sa mga panganod, aron sa pagsugat sa Ginoo diha sa kahanginan: ug sa ingon niini kita magauban gihapon sa Ginoo. 1 Tesalonica 4:17

Busa, sanglit ginalibutan man kita sa ingon kabaga nga panganod sa mga saksi, isalikway ta ang tanang kabug-at ug ang sala nga nagpiit kanato, ug daganon ta nga mapailubon ang lumba nga gibutang sa atong atubangan, Mga Hebreohanon 12:1

Kini sila mga tuboran nga walay tubig, mga panganod nga gipadpad sa unos; kanila ang gabon sa kangitngit gitagana hangtod sa hangtod. 2 Pedro 2:17

Kini sila mga lama sa inyong mga kombira sa gugma, sa diha nga sila nagkombira uban kaninyo, nga nagpakaon sa ilang kaugalingon nga walay kahadlok: sila mga panganod nga walay tubig, nga gipadpad sa hangin; mga kahoy kansang bunga nangalaya, walay bunga, kaduha namatay, gipangibot gikan sa mga gamot; Judas 1:12

Pagpadayag

Ania karon, moanhi siya uban sa mga panganod; ug ang tanang mata makakita kaniya, ug sila usab nga mga nagdughang kaniya; ug ang tanang kabanayan sa yuta managminatay tungod kaniya. Mao man usab, Amen. Pinadayag 1:7

Ug nakita ko ang laing gamhanang anghel nga nanaug gikan sa langit, nga gisul-oban sa usa ka panganod: ug usa ka balangaw anaa sa iyang ulo, ug ang iyang nawong sama sa adlaw, ug ang iyang mga tiil sama sa mga haligi nga kalayo: Pinadayag 10:1

Ug nadungog nila ang usa ka dakong tingog gikan sa langit nga nag-ingon kanila, "Saka kamo diri." Ug misaka sila ngadto sa langit diha sa usa ka panganod; ug nakita sila sa ilang mga kaaway. Pinadayag 11:12

Ug mitan-aw ako, ug ania karon, ang usa ka maputi nga panganod; ug sa ibabaw sa panganod naglingkod ang usa nga sama sa Anak sa tawo, nga may usa ka korona nga bulawan sa iyang ulo, ug usa ka mahait nga galab sa iyang kamot. Ug migula ang laing anghel gikan sa templo, nga nagasinggit sa makusog nga tingog ngadto kaniya nga nagalingkod sa ibabaw sa panganod, "Gamita ang imong galab, ug pangani na; kay miabot na ang panahon sa pag-ani; kay hinog na ang alanihon sa yuta." Ug siya nga naglingkod sa ibabaw sa panganod miitsa sa iyang galab sa yuta; ug ang yuta gianihan." Pinadayag 14: 14-16

Apokripa

Human niini miagi sa akong atubangan ang usa ka panganod nga daw tubig, ug nagpaulan ug daghang ulan uban ang bagyo; ug sa dihang milabay na ang kusog nga ulan, ang mga tulo nagpabilin nga wala moulan. 2 Esdras 4:49

Apan mas sayon ba alang kaniya nga anaa sa peligro ang pagsulod niining mga butanga, kay sa molabay sama sa usa ka panganod gikan sa kalibutan, ug dili makakita sa mga butang nga mahitabo sa katapusang mga adlaw. Ug siya mitubag kanako, ug miingon, 2 Esdras 13:20

Tan-awa ang mga panganod gikan sa sidlakan ug gikan sa amihanan ngadto sa habagatan, ug kini makalilisang tan-awon, puno sa kasuko ug bagyo. Ug ang kusog nga hangin mobangon gikan sa sidlakan, ug moabli niini; ug ang panganod nga iyang gipataas sa kasuko, ug ang bituon nga gipalihok aron mahadlok sa sidlakan ug kasadpan nga hangin, pagalaglagon. Ang dagko ug gamhanang mga panganod moburot nga puno sa kasuko, ug ang bituon, aron kini makapahadlok sa tibuok yuta, ug kanila nga nagpuyo niini; ug sila mobubo sa ibabaw sa matag hatag-as ug halangdon nga dapit sa usa ka makalilisang nga bituon, 2 Esdras 15: 34,39-40.

Ug ang atong ngalan malimtan sa paglabay sa panahon, ug walay tawo nga mahinumdom sa atong mga buhat, ug ang atong kinabuhi molabay sama sa timaan sa usa ka panganod, ug mokatap sama sa usa ka gabon, nga gipadpad sa mga silaw sa adlaw, ug mabuntog sa kainit niini. Kaalam ni Solomon 2:4

Unya ang mga kilat nga nagpunting sa husto molupad; ug gikan sa mga panganod, sama sa usa ka maayong pagkaguyod nga pana, molupad sila padulong sa target. Kaalam ni Solomon 5:21

Si Jehova mahinay sa kasuko, ug daku sa gahum, Ug dili gayud niya pakamatarungon ang dautan:
Ang Ginoo adunay iyang dalan sa alimpulos ug sa bagyo,
ug ang mga panganod mao ang abog sa iyang mga tiil. Nahum 1:3

Sama sa usa ka panganod nga naglandong sa kampo; ug diin ang tubig nagbarog sa atubangan, ang uga nga yuta mitungha; ug gikan sa Pulang Dagat usa ka dalan nga walay babag; ug gikan sa kusog nga sapa usa ka berde nga kapatagan: Kaalam ni Solomon 19:7

Kon ang usa ka dato mosulti, ang matag usa mohilom, ug, tan-awa, ang iyang gisulti, ilang gidayeg kini hangtod sa mga panganod: apan kon ang kabos mosulti, sila moingon, Kinsa man kini nga tawo? ug kon siya mapandol, sila motabang sa pagpukan kaniya. Ecclesiastico 13:23

Migula ako gikan sa baba sa Labing Halangdon, ug gitabonan ang yuta sama sa usa ka panganod. Nagpuyo ako sa taas nga mga dapit, ug ang akong trono anaa sa usa ka haligi nga panganod. Ecclesiastico 24:3-4

Siya nga nagaalagad sa Ginoo pagadawaton uban ang pag-uyon, ug ang iyang pag-ampo makaabot hangtod sa mga panganod. Ang pag-ampo sa mapaubsanon molagbas sa mga panganod: ug hangtod nga kini moduol, dili siya malipay; ug dili mobiya, hangtod nga ang Labing Hataas motan-aw aron sa paghukom nga matarong, ug mopatuman sa paghukom. Ang kalooy anaa sa panahon sa kasakit, sama sa mga panganod sa ulan sa panahon sa hulaw. Ecclesiasticus 35:16-17,20

Pinaagi niini ang mga bahandi maablihan: ug ang mga panganod molupad sama sa mga langgam. Pinaagi sa iyang dakong gahom iyang gipalig-on ang mga panganod, ug ang mga ulan nga yelo madugmok. Ecclesiasticus 43:14-15

Gipadungog niya ang iyang tingog, ug gidala siya ngadto sa mangitngit nga panganod, ug gihatagan siyag mga sugo sa iyang atubangan, bisan ang balaod sa kinabuhi ug kahibalo, aron iyang tudloan si Jacob sa iyang mga tugon, ug si Israel sa iyang mga paghukom. Ecclesiastico 45:5

Sama siya sa bituon sa kabuntagon taliwala sa panganod, ug sama sa bulan sa takdol nga adlaw: Sama sa adlaw nga nagsidlak sa templo sa Labing Halangdon, ug sama sa balangaw nga naghatag kahayag sa masanag nga mga panganod: Ug sama sa usa ka matahum nga kahoy nga olibo nga namulak, ug sama sa usa ka kahoy nga sipres nga mitubo hangtod sa mga panganod. Ecclesiasticus 50:6-7,10

Kinsa ang misaka sa langit, ug mikuha kaniya, ug nagpakanaog kaniya gikan sa mga panganod? Baruch 3:29

Ug sa dihang ang Dios mosugo sa mga panganod sa pagtabon sa tibuok kalibutan, ilang buhaton ang gisugo kanila. Sulat ni Jeremias 1:62

Dayega ang Ginoo, mga kilat ug mga panganod: dayega ug bayawa siya labaw sa tanan hangtod sa kahangturan. Pag-ampo ni Azarias 1:51

Sa dihang nahuman na kini, ug miabot ang panahon nga misidlak ang adlaw, nga kaniadto natago sa panganod, dihay dakong kalayo nga misilaob, mao nga ang matag tawo nahibulong. 2 Macabeo 1:22

Unya ipakita sa Ginoo kanila kining mga butanga, ug ang himaya sa Ginoo mopakita, ug ang panganod usab, sama sa gipakita ubos ni Moises, ug sama sa dihang gitinguha ni Solomon nga ang dapit mabalaan sa dungganon nga paagi. 2 Macabeo 2:8

Enoc

Tan-awa ang ting-init ug ang tingtugnaw, kon giunsa nga ang tibuok yuta napuno sa tubig, ug ang mga panganod ug yamog ug ulan naghigda niini. Enoc 2:3

Ug mitungha ang daghang pagkadili-diosnon, ug sila nakighilawas, ug sila nadala sa pagkasayop, ug nahimong dautan sa tanan nilang mga paagi. Si Semjâzâ nagtudlo og mga salamangka, ug mga pagputol sa gamot, si Armârôs ang pagsulbad sa mga salamangka, si Barâqîjâl, nagtudlo og astrolohiya, si Kôkabêl ang mga konstelasyon, si Ezêqêêl ang kahibalo sa mga panganod, si Araqiêl ang mga timaan sa yuta, si Shamsiêl ang mga timaan sa adlaw, ug si Sariêl ang dagan sa bulan. Ug samtang ang mga tawo nangamatay, sila misinggit, ug ang ilang singgit misaka sa langit . . . Enoch 8:2

Ug ang panan-awon gipakita kanako sa ingon niini: Tan-awa, sa panan-awon ang mga panganod nagdapit kanako ug ang usa ka gabon nagtawag kanako, ug ang dagan sa mga bituon ug ang mga kilat midali ug nagpadali kanako, ug ang mga hangin sa panan-awon nakapalupad kanako ug nag-alsa kanako pataas, ug nagdala kanako ngadto sa langit. Enoc 14:8

Nakita ko ang mga hangin sa yuta nga nagdala sa mga panganod: Nakita ko ang mga agianan sa mga anghel. Nakita ko sa tumoy sa yuta ang kawanangan sa langit sa ibabaw. Enoc 18:5

Midagsa sama sa usa ka daghang sapa nga nagaagay paingon sa amihanan-kasadpan, kini nakapausbaw sa mga panganod ug yamog sa tanang dapit. Enoc 28:3

Ug didto nakita sa akong mga mata ang mga tinago sa kilat ug sa dalugdog, ug ang mga tinago sa hangin, kon giunsa kini nabahin aron mohuyop ibabaw sa yuta, ug ang mga tinago sa mga panganod ug yamog, ug didto nakita ko kon asa sila gikan paingon nianang dapita ug diin gikan nila gibasa ang abogon nga yuta. Ug didto nakita ko ang mga sirado nga lawak diin ang mga hangin nabahin, ang lawak sa ulan nga yelo ug mga hangin, ang lawak sa gabon, ug sa mga panganod, ug ang panganod niini naglutaw-lutaw ibabaw sa yuta gikan sa sinugdanan sa kalibutan. Enoch 41:3-4

Ug ang espiritu sa yamog nagapuyo sa mga kinatumyan sa langit, ug konektado sa mga lawak sa ulan, ug ang iyang agianan anaa sa tingtugnaw ug ting-init: ug ang iyang mga panganod ug ang mga panganod sa gabon konektado, ug ang usa naghatagay sa usa. Enoc 60:20

Ug gikan sa tunga nga ganghaan moabut sa direkta nga direksyon ang kahimsog ug ulan ug yamog ug kauswagan; ug pinaagi sa ikatulo nga ganghaan sa kasadpan moabut ang panganod ug katugnaw, ug niyebe ug ulan, ug yamog ug mga dulon. Enoch 76:11

Ug ang ikaupat nga bahin, nga ginganlan og amihanan, gibahin sa tulo ka bahin: ang una niini alang sa puloy-anan sa mga tawo: ug ang ikaduha naglangkob sa mga dagat sa tubig, ug sa mga kahiladman ug mga kalasangan ug mga suba, ug kangitngit ug mga panganod; ug ang ikatulo nga bahin naglangkob sa tanaman sa pagkamatarung. Enoch 77:3

Oh nga ang akong mga mata sama unta sa panganod sa tubig, Aron ako makahilak tungod kanimo, Ug ibubo ang akong mga luha sama sa panganod sa tubig: Aron ako makapahulay gikan sa akong kaguol sa kasingkasing! Enoc 95:1

Si Jehova mahinay sa kasuko, ug daku sa gahum, Ug dili gayud niya pakamatarungon ang daotan:
Ang Ginoo adunay iyang dalan sa alimpulos ug sa bagyo,
ug ang mga panganod mao ang abog sa iyang mga tiil. Nahum 1:3

Ug Siya motawag aron sa pagpamatuod batok kaninyo sa tanang panganod ug gabon ug yamog ug ulan; kay kining tanan pugngan tungod kaninyo sa pagkanaog nganha kaninyo, ug sila mahinumdom sa inyong mga sala. Enoc 100:11

Ug nakakita ako didto og usa ka butang nga sama sa usa ka dili makita nga panganod; kay tungod sa giladmon niini dili ako makatan-aw, ug nakakita ako og usa ka siga sa kalayo nga nagdilaab sa kahayag, ug mga butang nga sama sa naggilakgilak nga mga bukid nga naglibot ug nagsangkad ngadto ug nganhi. Enoc 108:4

Jasher

Ug siya miingon kaniya, "Dad-a karon ang imong anak nga lalaki, ang imong bugtong anak nga imong gihigugma, si Isaac, ug lakaw ngadto sa yuta sa Moria, ug ihalad siya didto ingon nga halad nga sinunog sa ibabaw sa usa sa mga bukid nga ipakita kanimo, kay didto imong makita ang usa ka panganod ug ang himaya sa Ginoo." Ug usa ka haligi nga kalayo ang mitungha kaniya nga mituybo gikan sa yuta ngadto sa langit, ug usa ka panganod sa himaya sa ibabaw sa bukid, ug ang himaya sa Ginoo nakita sa panganod. Ug si Abraham miingon kang Isaac, Anak ko, nakita mo ba sa bukid, nga atong nakita sa halayo, ang akong nakita niini?" Ug si Isaac mitubag ug miingon sa iyang amahan, "Nakita ko ug ania karon, usa ka haligi nga kalayo ug usa ka panganod, ug ang himaya sa Ginoo nakita sa ibabaw sa panganod." Jasher 23:2,42-44

Ug ang himaya sa Ginoo mikunsad sa ibabaw sa Bukid sa Sinai, ug siya mitawag kang Moises, ug si Moises misulod sa taliwala sa usa ka panganod ug mitungas sa bukid. Jasher 82:8

Ug sa ika-baynte nga adlaw sa bulan, ang panganod mikuha gikan sa tabernakulo sa pagpamatuod. Niadtong panahona ang mga anak sa Israel nagpadayon sa ilang panaw gikan sa kamingawan sa Sinai, ug mipanaw sila sulod sa tulo ka adlaw, ug ang panganod mihunong sa kamingawan sa Paran; didto misilaob ang kasuko sa Ginoo batok sa Israel, kay ilang gihagit ang Ginoo sa pagpangayo kaniya ug pagkaon. Jasher 83:25-26

Ug ang Ginoo mitungha didto sa tabernakulo diha sa usa ka haligi nga panganod, ug ang haligi nga panganod nagbarog sa pultahan sa tabernakulo. Jasher 87:2

Mga Jubileo

Ug si Moises mitungas ngadto sa bukid sa Dios; ug ang himaya sa Ginoo mipabilin sa ibabaw sa Bukid sa Sinai, ug ang panganod mitabon niini sulod sa unom ka adlaw. Ug sa ikapito ka adlaw gitawag Niya si Moises gikan sa taliwala sa panganod, ug ang panagway sa himaya sa Ginoo sama sa nagdilaab nga kalayo sa ibabaw sa bukid. Mga Jubileo 1:2-3

Kay sa unang adlaw Iyang gilalang ang mga langit nga anaa sa ibabaw ug ang yuta ug ang mga tubig ug ang tanang espiritu nga nag-alagad sa iyang atubangan - ang mga anghel sa presensya, ug ang mga anghel sa pagkabalaan, ug ang mga anghel sa espiritu sa kalayo ug ang mga anghel sa espiritu sa hangin, ug ang mga anghel sa espiritu sa mga panganod, ug sa kangitngit, ug sa niyebe ug sa ulan nga yelo ug sa nagbaga nga katugnaw, ug ang mga anghel sa mga tingog ug sa dalugdog ug sa kilat, ug ang mga anghel sa mga espiritu sa katugnaw ug sa kainit, ug sa tingtugnaw ug sa tingpamulak ug sa tingdagdag ug sa ting-init ug sa tanang espiritu sa iyang mga binuhat nga anaa sa langit ug sa yuta,

Si Jehova mahinay sa kasuko, ug daku sa gahum, Ug dili gayud niya pakamatarungon ang dautan:
Ang Ginoo adunay iyang dalan sa alimpulos ug sa bagyo,
ug ang mga panganod mao ang abog sa iyang mga tiil. Nahum 1:3

Iyang gilalang ang mga kahaladman ug ang kangitngit, ang kagabhion ug ang gabii, ug ang kahayag, ang kaadlawon ug ang adlaw, nga Iyang giandam sa kahibalo sa iyang kasingkasing. Mga Jubileo 2:2

Gibutang Niya ang Iyang pana diha sa panganod isip timaan sa walay kataposang pakigsaad nga dili na gayud mahitabo pag-usab ang lunop sa yuta aron sa paglaglag niini sa tanang mga adlaw sa yuta. Mga Jubileo 6:16

Ug usa ka panganod sa mga uwak ang miabot aron paglamoy sa liso, ug si Abram midagan aron pagsugat kanila sa wala pa sila molingkod sa yuta, ug misinggit kanila sa wala pa sila molingkod sa yuta aron paglamoy sa liso, ug miingon, 'Ayaw pagkanaog: balik sa dapit diin kamo gikan,' ug sila namalik. Ug iyang gipabalik ang mga panganod sa mga uwak niadtong adlaw sa kapitoan ka pilo, ug sa tanang mga uwak sa tibuok yuta diin didto si Abram walay bisan usa nga mipuyo didto. Mga Jubileo 11:18-19

Nawala nga mga Libro sa Bibliya

Apan samtang naglakaw ako, miingon si Joseph, mitan-aw ako sa hangin, ug nakita ko ang mga panganod nga nahingangha, ug ang mga langgam sa kalangitan nga mihunong sa taliwala sa ilang paglupad. Protevangelion 13:2

Unya usa ka masanag nga panganod ang mitabon sa langob, ug ang mananabang miingon, Karong adlaw ang akong kalag gihimaya, kay ang akong mga mata nakakita og mga katingalahang butang, ug ang kaluwasan gidala ngadto sa Israel. Apan sa kalit ang panganod nahimong usa ka dakong kahayag sa langob, mao nga ang ilang mga mata dili makaagwanta niini. Protevangelion 14:10-11

Ania kita dinhi hangtod karon, ug wala pa makatilaw og kamatayon, apan karon mobalik na kita sa pag-abot sa Antikristo, nga armado sa mga balaan nga timaan ug mga milagro, aron makig-away kaniya, ug patyon niya kita sa Jerusalem, ug kuhaon pag-usab nga buhi ngadto sa mga panganod, human sa tulo ka adlaw ug tunga. Ebanghelyo ni Nicodemo 20:4

Unya gisunog sa katawhan ang pundok; bisan pa sa kadako sa siga, wala kini makahikap kaniya, kay ang Dios naluoy kaniya, ug nagpahinabog dakong pagbuto gikan sa yuta sa ilalom, ug usa ka panganod gikan sa ibabaw nga nagbubo ug daghang ulan ug ulan nga yelo; Mga Buhat ni Pablo ug Tekla 5:15

Apan ang mga isda (mga nati sa dagat,) sa dihang nakakita sila sa kilat ug kalayo, nangamatay, ug nanglangoy nga patay sa ibabaw sa tubig, ug usa ka panganod sa kalayo ang naglibot kang Thecla, mao nga sama nga ang mga mananap dili makaduol kaniya, ang mga tawo dili usab makakita sa iyang kahubo. Mga Buhat ni Pablo ug Thecla 9:9

Sa iyang pagbiya gikan didto, miadto siya sa Seleucia, ug nalamdagan ang daghan sa kahibalo kang Kristo. Ug usa ka masanag nga panganod ang naggiya kaniya sa iyang panaw. Ug sa iyang pag-abot sa Seleucia, miadto siya sa usa ka dapit gawas sa siyudad, mga usa ka estadio ang gilay-on, nahadlok sa mga lumulupyo, tungod kay sila mga magsisimba sa mga diosdios. Ug gidala siya (sa panganod) ngadto sa usa ka bukid nga gitawag og Calamon, o Rodeon. Didto siya nagpuyo sa daghang mga tuig, ug nakaagi sa daghang mga grabe nga mga tentasyon sa yawa, nga iyang giantos sa usa ka angay nga paagi, pinaagi sa tabang nga iyang nadawat gikan kang Kristo. Mga Buhat ni Pablo ug Tesalonica 10:11-14

Si Jehova mahinay sa kasuko, ug daku sa gahum, Ug dili gayud niya pakamatarungan ang dautan:
Ang Ginoo adunay iyang dalan sa alimpulos ug sa bagyo,
ug ang mga panganod mao ang abog sa iyang mga tiil. Nahum 1:3

Kami mga depektoso sa among mga panabut; nagsimba sa mga bato ug kahoy; bulawan, ug pilak, ug tumbaga, mga buhat sa mga kamot sa mga tawo; ug ang among tibuok kinabuhi walay lain kondili kamatayon. Busa, sanglit gilibutan sa kangitngit, ug adunay ingon nga gabon sa among mga mata, kami mitan-aw, ug pinaagi sa iyang kabubut-on among giwagtang ang panganod nga naglibot kanamo. Kay siya naluoy kanamo, ug natandog sa iyang kasingkasing alang kanamo, iyang giluwat kami; nga nakakita kanamo sa daghang sayop, ug kalaglagan; ug nakita nga kami walay paglaum sa kaluwasan, kondili pinaagi lamang kaniya. 2 Clement ngadto sa mga taga-Corinto 1:7-9

Ug ang lalaki uban sa babaye dili lalaki ni babaye;—Kini ang iyang gipasabot; gitawag niya ang atong kasuko nga lalaki, ang atong pangibog nga babaye. Busa, kon ang usa ka lalaki makaabot sa ingon nga kahimtang nga dili na siya mapailalom sa usa o sa lain niini (nga pareho, pinaagi sa pagkaylap sa kostumbre, ug usa ka daotang edukasyon, motabon ug mongitngit sa pangatarungan,) Apan hinoon, human mawagtang ang gabon nga mitumaw gikan kanila, ug puno sa kaulaw, pinaagi sa paghinulsol mahiusa ang iyang kalag ug espiritu sa pagkamasinugtanon sa pangatarungan; nan, sama sa giingon ni Pablo, wala kanato ang lalaki ni babaye. 2 Clement ngadto sa mga Taga-Corinto 5:4-6

Busa, sama sa iyang kahimtang dinhi sa yuta, mao usab ang gisugo sa mga Judio kaniadto, sa pagkuha og duha ka kanding nga matahum ug managsama. Aron nga kon ilang makita ang atong Manluluwas nga moabut sa mga panganod sa langit, sila matingala sa pagkasama sa mga kanding. Kinatibuk-ang Sulat ni Bernabe 6:12

Nalintang mga Libro sa Eden

Apan sa dihang nakita sila sa malimbungon nga si Satanas, nga sila moadto sa tanaman, iyang gitigom ang iyang panon, ug nagpakita sa ibabaw sa usa ka panganod, nga nagtinguha sa paglimbong kanila. 1 Libro ni Adan ug Eva 28:1

Ug ang Dios miingon pa kanako, Kon dili ka makalakaw, magpadala ako ug panganod aron sa pagdala kanimo ug sa pag-abot sa ganghaan sa ilang langob; unya ang panganod mobalik ug mobiya kanimo didto. Ug kon mouban sila kanimo, magpadala ako ug panganod aron sa pagdala kanimo ug kanila. Unya nagsugo Siya ug panganod, ug kini nagdala kanako pataas ug gidala ako nganha kanimo; ug unya mibalik. 1 Libro ni Adan ug Eva 60:23-25

Nahitabo kini, sa dihang gisultihan ni Enoc ang iyang mga anak nga lalaki, nga ang mga anghel mikuha kaniya sa ilang mga pako ug gidala siya pataas ngadto sa unang langit ug gibutang siya sa mga panganod. Ug didto mitan-aw ako, ug mitan-aw pag-usab ako sa mas taas, ug nakita ang eter, ug gibutang nila ako sa unang langit ug gipakita kanako ang usa ka dako kaayo nga Dagat, nga mas dako pa kay sa yutan-on nga dagat. Mga Sekreto ni Enoc 3:1

Ug dinhi mitan-aw ako sa ubos ug nakita ang mga bahandi sa niyebe, ug ang mga anghel nga nagtipig sa ilang makalilisang nga mga tipiganan, ug ang mga panganod diin sila gikan ug diin sila moadto. Mga Sekreto ni Enoc 5:1

Ug usa gikan sa han-ay sa mga anghel, human mitalikod uban sa han-ay nga anaa sa ilalom niya, naghunahuna og usa ka imposible nga hunahuna, nga ibutang ang iyang trono nga mas taas kay sa mga panganod ibabaw sa yuta, aron siya mahimong managsama sa ranggo sa akong gahum. Mga Sekreto ni Enoc 29:3

Si Jehova mahinay sa kasuko, ug daku sa gahum, Ug dili gayud niya pakamatarungon ang dautan:
Ang Ginoo adunay iyang dalan sa alimpulos ug sa bagyo,
ug ang mga panganod mao ang abog sa iyang mga tiil. Nahum 1:3

(Biyernes) Sa ikaunom nga adlaw gisugo ko ang akong kaalam sa paglalang sa tawo gikan sa pito ka pagkaparehas: usa, ang iyang unod gikan sa yuta; duha, ang iyang dugo gikan sa yamog; tulo, ang iyang mga mata gikan sa adlaw; upat, ang iyang mga bukog gikan sa bato; lima, ang iyang salabutan gikan sa katulin sa mga anghel ug gikan sa panganod; unom, ang iyang mga ugat ug ang iyang buhok gikan sa sagbot sa yuta; pito, ang iyang kalag gikan sa akong gininhawa ug gikan sa hangin. Mga Sekreto ni Enoc 30:10

Nadungog mo ang mga pulong sa akong mga ngabil, sama sa akong nadungog ang mga pulong sa Ginoo, sama sa kusog nga dalugdog nga walay hunong uban sa paghapak sa mga panganod. Mga Sekreto ni Enoc 39:7

Ug gisukod ko ang lingin sa adlaw, ug gisukod ang mga silaw niini, giihap ang mga oras, gisulat ko usab ang tanan nga mga butang nga naglakaw sa ibabaw sa yuta. Gisulat ko ang mga butang nga gipatubo, ug ang tanan nga binhi nga gipugas ug wala gipugas, nga gipatubo sa yuta ug ang tanan nga mga tanom, ug ang matag sagbot ug ang matag bulak, ug ang ilang mga humot nga baho, ug ang ilang mga ngalan, ug ang mga pinuy-anan sa mga panganod, ug ang ilang komposisyon, ug ang ilang mga pako, ug kung giunsa nila pagdala ang ulan ug mga tulo sa ulan. Ug gisusi ko ang tanan nga mga butang, ug gisulat ang dalan sa dalugdog ug sa kilat, ug gipakita nila kanako ang mga yawe ug ang ilang mga magbalantay, ang ilang pagsubang, ang ilang agianan; kini gipagawas sa hinayhinay (hinay) pinaagi sa usa ka kadena, aron dili pinaagi sa usa ka bug-at nga kadena ug kapintasan kini molabay sa masuk-anon nga mga panganod ug malaglag ang tanan nga mga butang sa yuta. Gisulat ko ang mga balay sa bahandi sa niyebe, ug ang mga balay sa katugnaw ug nagyelo nga hangin, ug gitan-aw ko ang naghupot sa yawe sa ilang panahon, iyang gipuno ang mga panganod niini, ug wala mahurot ang mga balay sa bahandi. Mga Sekreto ni Enoch 40:5-7

Ang akong mga maglulutos moanhi ug dili makakita kanako: Usa ka panganod sa kangitngit ang mahulog sa ilang mga mata; ug ang hangin sa mabaga nga kangitngit mongitngit kanila: Mga Awit ni Solomon 5:4-5

Ang yamog sa Ginoo sa kahilom Iyang gipaagas kanako: Ug ang panganod sa kalinaw Iyang gipasaka sa ibabaw sa akong ulo, nga nagbantay kanako sa kanunay; Kini alang kanako alang sa kaluwasan: ang tanan nangurog ug sila nangalisang; Mga Awit ni Solomon 35:1-3

Kay sumala sa pagkadako sa Labing Hataas, mao nga gibuhay Niya ako: ug sama sa Iyang kaugalingong kabag-ohan, gibag-o Niya ako; ug gidihogan Niya ako gikan sa Iyang kaugalingong kahingpitan: Ug ako nahimong usa sa Iyang mga Silingan; ug ang akong baba nabuka, sama sa panganod sa yamog, Ug ang akong kasingkasing gibubo sama sa nagaagay nga sapa sa pagkamatarung, Ug ang akong pag-adto Kaniya anaa sa kalinaw; ug ako natukod pinaagi sa Espiritu sa Iyang gobyerno. Aleluya. Mga Odes ni Solomon 36:5-8

Maglipay ang kalangitan sa iyang mga adlaw, ug ang yuta magakalipay, ug ang mga panganod magakalipay; Ug ang kahibalo sa Ginoo igabubo sa ibabaw sa yuta, sama sa tubig sa kadagatan; Ug ang mga anghel sa himaya sa presensya sa Ginoo magakalipay diha kaniya. Tugon ni Levi 5:18-20